



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

## UPUTSTVO

### o zabrani uvoza određenih pošiljki radi sprečavanja unosa u Bosnu i Hercegovinu kuge malih preživara

#### Član 1.

(1) Radi sprečavanja unosa u Bosnu i Hercegovinu kuge malih preživara zabranjuje se uvoz u Bosnu i Hercegovinu slijedećih vrsta pošiljki:

- a) živih malih preživara;
- b) sjemena, jajnih stanica i embrija malih preživara;
- c) svježeg mesa porijeklom od malih preživara;
- d) mljevenog mesa i mesnih pripravaka porijeklom od mesa iz tačke c) ovog stava;
- e) proizvoda porijeklom od mesa i obrađeni želuci, mjehuri i crijeva namijenjeni ishrani ljudi, a koji su proizvedeni od mesa iz tačke c) ovog stava, osim onih koji su prošli specifičan tretman obrade u cilju uklanjanja rizika za zdravlje životinja u skladu sa Prilogom III Pravilnika o uslovima u pogledu zdravlja životinja koji se odnose na proizvodnju, preradu, stavljanje u promet i unošenje proizvoda životinjskog porijekla namijenjenih za ljudsku konzumaciju ("Službeni glasnik BiH", broj 5/11);
- f) sirovo mlijeko malih preživara i proizvodi porijeklom od mlijeka malih preživara, osim onih koji su prošli tretman u hermetički zatvorenim kontejnerima sa F0 vrijednosti 3 ili više, u skladu sa Prilogom III Pravilnika o uslovima u pogledu zdravlja životinja koji se odnose na proizvodnju, preradu, stavljanje u promet i unošenje proizvoda životinjskog porijekla namijenjenih za ljudsku konzumaciju ("Službeni glasnik BiH", broj 5/11);
- g) proizvodi koji sadrže sastojke iz tački c) do f) ovog stava;
- h) neprerađeni nus-proizvodi porijeklom od malih preživara.

a koji su porijeklom iz **Albanije, Bugarske, Grčke i Rumunije.**

(2) Pored navedenog, zabranjuje se uvoz živih malih preživara koje potiču iz drugih regija i država ako se prije ulaska na teritoriju Bosne i Hercegovine prevoze preko područja navedenih u stavu (1) ovog člana.

#### Član 2.

Stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva.


Član 3.

Stupanjem na snagu ovog Uputstva prestaje važiti Uputstvo o zabrani uvoza određenih pošiljki radi sprečavanja unosa u Bosnu i Hercegovinu kuge malih preživara (broj: 02-1-02-2-161-2/25 od 06.06.2025. godine)

Član 4.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu kuge malih preživara.

Broj: 02-1-02-2-161-3/25  
Datum: 29.10.2025



DIREKTOR

Saša Bošković dr vet.med.

DOSTAVLJENO:

- Ministarstvo vanjske trgovine i ekonomskih odnosa – kabinet Ministra
- Svim graničnim veterinarskim inspektorima;
- Odjeljenje za sigurnost hrane i uslove u objektima;
- Odjeljenje za zdravlje i dobrobit životinja;
- Arhiva.